



1536

Bosnia and Herzegovina  
Federation of Bosnia and Herzegovina

**CANTON SARAJEVO**  
Cantonal Administration for Inspection

Bosna i Hercegovina

Federacija Bosne i Hercegovine  
**KANTON SARAJEVO**

Broj: 14-09-30-02484/22  
Sarajevo, Juni 07. 2022. godine

PRIMLJENO: 08-06-2022			
Broj	Klasifikacija	Šifra	Godina
15	04	18506-7/22	2022

**SKUPŠTINA KANTONA SARAJEVO**  
(Na pažnju predsjedavajućeg Elvedina Okerića)

122

**PREDMET: Odgovor na zastupničku inicijativu broj:01-04-18506-7/22 od 11.05.2022. godine pokrenutu od strane zastupnice Neire Dizdarević, dostavlja se;**

**VEZA: Zastupnička inicijativa broj:01-04-18506-7/22 od 11.05.2022. godine**

Vašim aktom broj i datum veze, zaprimljen dana 24.5.2022. godine, dostavili ste na nadležno postupanje Kantonalnoj upravi za inspekcijske poslove Kantona Sarajevo inicijativu koju je pokrenula zastupnica Neira Dizdarević, a koja glasi:

"Porodilje sa područja Kantona Sarajevo žale se da im se u uvjerenjima o podacima registrovanim u matičnoj evidenciji aktivnih osiguranika FZPIO ne evidentira i onaj tokom porodiljskog odsustva. Prema informacijama porezne uprave na području Kantona Sarajevo vrše redovno uplate doprinosa, ali to se iz nekog nepoznatog razloga ne evidentira.

Ljubazno molim da se ovaj problem što prije riješi, a nadležni inspekcijski organi da poduzmu potrebene korake na utvrđivanju tačnog uzroka problema putem nadzora."

U odnosu na navedenu zastupničku inicijativu u prilogu Vam dostavljamo Informaciju Inspektorata rada, zaštite na radu i socijalne zaštite.

S poštovanjem,



Dostavlja se:

1. Predsjedavajući Skupštine Kantona Sarajevo
2. Premijer Vlade Kantona Sarajevo
3. Sekretar Skupštine Kantona Sarajevo
4. Sekretar Vlade Kantona Sarajevo
- 5 a/a



**Inspektorat rada, zaštite na radu i socijalne zaštite**

**Broj: 14-09-30-02484/22**

**Sarajevo, Maj 31. 2022. godine**

**PREDMET: Informacija.-**

Kantonalna uprava za inspekcijske poslove Sarajevo Inspektorat rada, zaštite na radu i socijalne zaštite zaprimio je zastupničku inicijativu pokrenutu od strane zastupnice Neire Dizdarević na nastavku 52. Radne sjednice Skupštine Kantona Sarajevo, održane dana 10.5.2022. godine u kojoj se navodi citiram:

"Porodilje sa područja Kantona Sarajevo žale se da im se u uvjerenjima o podacima registrovanim u matičnoj evidenciji aktivnih osiguranika FZPIO ne evidentira i onaj tokom porodiljskog odsustva. Prema informacijama porezne uprave na području Kantona Sarajevo vrše redovno uplate doprinosa, ali to se iz nekog nepoznatog razloga ne evidentira. Ljubazno molim da se ovaj problem što prije riješi, a nadležni inspekcijski organi da poduzmu potrebne korake na utvrđivanju tačnog uzroka problema putem nadzora".

Navedena formulacija je prilično nejasna i neprecizna, ali pretpostavlja se da se odnosi na period porodiljskog odsustva.

Nadzor nad primjenom propisa u Federalnom zavodu penzijsko i invalidskog osiguranja vrši Federalna uprava za inspekcijske poslove i to ukoliko se radi o pravima i obavezama iz radnog odnosa, a kako se vidi iz dostavljene inicijative ista je dostavljena i Federalnoj upravi za inspekcijske poslove.

Nadalje, članom 159. Zakona o radu propisano je da nadzor nad primjenom Zakona o radu i na osnovu njega donesenih propisa, obavlja federalni, odnosno kantonalni inspektor rada. Kako se u konkretnom slučaju ne radi o pravima i obavezama iz radnog odnosa to inspektor rada nije nadležan za vršenje inspekcijskog nadzora na okolnosti koje su inicirane.

Naime samo je članom 62. Zakona o radu propisano da za vrijeme trudnoće, porođaja i njege djeteta, žena ima pravo na porođajno odsustvo u trajanju od jedne godine neprekidno, kao i da na osnovu nalaza ovlaštenog ljekara žena može da otpočne porođajno odsustvo 28 dana prije očekivanog datuma porođaja. Žena može koristiti kraće porođajno odsustvo, ali ne kraće od 42 dana poslije porođaja.

Odredbama člana 68. Zakona o radu takođe propisano je za vrijeme korištenja porođajnog odsustva, radnik ima pravo na naknadu plaće, u skladu sa posebnim zakonom, a što je u konkretnom slučaju u Kantonu Sarajevo u skladu sa Zakonom o socijalnoj zaštiti, zaštiti civilnih žrtava rata i zaštiti porodice sa djecom ("Sl. novine Kantona Sarajevo" broj 38/14- Prečišćeni tekst, 38/16, 44/17, 28/18, 52/21). Istim članom je propisano da se pored navedenog prava radniku može isplatiti i razlika do pune plaće na teret poslodavca.

Iz navedenog jasno proističe da Zakon o radu ne propisuje način vođenja evidencije aktivnih osiguranika FZPIO tokom porodijskog odsustva.  
S toga smo mišljenja da bi na ovu inicijativu eventualno trebalo kontaktirati Ministarstvo za rad, socijalnu politiku i raseljenja lica Kantona Sarajevo.

S poštovanjem,

Rad  
ić